

pierres, ravagant tout ce qu'elle rencontroit. On ouit aussi en l'air de bruits & sont espouvantables, & furent veus aussi quelques prodiges. Du depuis ceste mesme Ville a esté rebastie a trois lieues de la vers l'Orient en vne plaine, & y ont esté edifiées huitante ou nonnate maisons de briques couvertes de tuiles. En ce quartier adviennent souvent des tremblemens de terre selon qu'escrit Benzo qui y a longuement voyagé, autrement l'air y est doux & temperé, & le pays fertile en grains: quant aux arbres qui y ont esté apportez d'Espagne le rapport en est petit, si ce n'est des Figuiers & Abricotiers, qui toutesfois ont assez peu de goust. Il y croist aussi plusieurs Cacavates. Quant aux mœurs & religion des habitans ils sont de mesme que ceux de Mexico & Nicaragua avec lesquels aussi ils négocient.

Rebastie  
en vn autre  
lieu.

## Fonduras.

Tout ioignant Guatimala se void vn grand pays nommé Fonduras, auquel devant la venue des Espagnols il y avoit plus de 410000 habitans, desquels à grand peine en est resté 8000. vne partie ayant esté mise à mort par les Espagnols, vne autre partie envoyée en servitude & consumée en la recherche de l'or, & le reste peris es deserts & cavernes de la terre là où ils estoient sauvez à la fuite pour éviter la tyrannie des Espagnols. En ceste Province ont esté par iceux Espagnols construites cinq Villes qui ensemble a peine font 120 ou 130 maisons & la pluspart de chaume & de joncs & encore à present peu habitées, pource que l'Or qu'ils recherchent le plus commence à y manquer. La principale se nomme Truxillo là où il y a Bvesché. Ceste Ville est située sur vne Colline au rivage de la mer du costé du Nord. Les autres seront mentionnées en la Description de la Coste.

Grand nombre  
d'Indiens  
destruits par  
les Espagnols.

Pour retourner à la pointe de Iucatan vis a vis d'icelle git l'Isle de Cozumel ainsi nommée du Roy Cozumelao les predecesseurs duquel l'ont habitée. Elle rend vne souefve odeur, & est distante septante lieues du Havre de S. Antoine qui est la dernière pointe de l'Isle de Cuba, & de Iucatan cinq lieues, & a 45 lieues de circuit, le terroir est plat & fort fertile: il ne s'y trouve point d'or sinon celuy qu'on y apporte d'ailleurs. Elle abonde en miel & en cire, & en toutes sortes de fruits & herbes iardinières, comme aussi en oiseaux & en bestail. Quant au reste toute telle que Iucatan; en temples, maisons, rues, commerce, maniere de s'accouttrer. Aucunes maisons sont couvertes de chaume: aucunes sont enrichies de colonnes de marbre comme en Espagne: & s'y trouve quantité de pierres précieuses.

Diverses  
petites  
Villes.  
Isle de Cozumel.

Les Espagnols venans en ceste Isle, du commencement n'y furent pas reçeus: mais du depuis ils y ont esté bien venus & honorez par le Seigneur qui fit eriger vne croix sur vne haute tour pour memorial de leur venue qui fut le cinquiesme de May: à raison dequoy elle est aussi nommée S. Croix. Ils ont trouvé en la dite tour des chambres où il y avoit plusieurs Idoles de marbre & de terre, parmi lesquels estoient meslées certaines images qui estoient adores des habitans avec cris & chansons, & honores de souefves odeurs: Ils retiennent aussi la Circoncision.

La saidite  
Isle est  
aussi  
nommée  
S. Croix.

De la pointe de Iucatan à Rio Grande il y a cent lieues, & laisse on entredeux la Punta de las Mugeris, & la Baye de l'Ascension.

Estendue  
de la Coste.

Rio Grande git à seize degrez & demi, & delà au Cabo de Camaron il y a 105 lieues: premierement de Rio Grande au Havre de Higueras 30 lieues.

De ce havre de Higueras à Puerto di Cavallo, autre lieues: Ceste est la deuxiesme Colonie ou Peuplade d'Espagnols: & a vne journée de là